

Imperium majorem.

cerotes, Meles, Simiæ & Cervi (quod contra Veterum opinionem, qui negant Africam alere hoc Animal) Bo-
ves, Oves, Capræ, Asini, Cameli, Equi, Sæpissime etiam hic a locustis mirum in modum infestantur. Olim a Re-
ginis duntaxat gubernata hæc Regio fuit. Vnde in historia veteris Testamenti legimus venisse ad Salomonem
Regem, Austri Reginam de Saba, audiendi causa admirandam ejus sapientiam, circiter annum mundi 2954.
Nomen Reginæ huic fuit *Maqueda*. Credunt Æthiopie Reges ex Davidis stirpe, & Salomonis familia sese pro-
creatos esse. Idcirco se Filios Davidis & Salomonis, atque adeo Sanctorum Patriarcharum appellare solent,
quod ex eorum semine orti sint. Nam ex Salomone filium suscepisse *Maquedam* illam fingunt, quem *Meilech*
nominavit. Postea *David* fuit dictus. Is secundum eorum commentum, cum annem ætatis vigesimum atti-
gisset, ad Salomonem Patrem & Præceptorem a Matre remissus, ut doctrina & sapientia utili ac salutari ab eo
imbueretur. Quod simul atque assecutus fuit *Meilech* seu *David*, permissu Salomonis, Sacerdotes & Comites
Nobiles multos de singulis duodecim Tribubus sibi adjunxit, & in Regnum Æthiopie reversus, gubernatio-
nem ejus suscepit. Ac una etiam legem Domini, Circumcisionemque eodem importavit. Hæc primordia fuere
Religionis Judaicæ in Æthiopia, & aiunt in hodiernum usque diem ad aulicæ ministeria & canonicatus nullos
admitti, nisi de stirpibus ex Iudæa adductis oriundos. Ab his igitur propagata est doctrina de Deo in Æthio-
pia, & radices egit, ut ad omnes ætates consequentes permanarit. Nam & libros Propheticos retinuerunt
Æthiopes & Hierosolymam adorandi causa verum Deum patefactum in Regno Israelis profecti sunt. Quod
ex historia Eunuchi Candacis Reginæ, quæ *Judith* proprio nomine dicta est, præfæcti, intelligi potest. Is enim
circa annum a morte & resurrectione Iesu Christi, x, Hierosolymam cccxl. Milliarium itinere accessit. Cumq;
ibi officium & cultum Deo debitum tribuisset, & jam domum rediret, in curru sedens Prophetam Esaiam legit.
Itaque ad eum divino mandato missus fuit Philippus, Christi Discipulus Et cum processissent ambo ad Urbem
Bethzur, tribus milliaribus ab Hierosolymis: ibi in radice Montis Fontem conspexit Eunuchus, cujus Aquis a
Philippo baptizatus est. Reversus vero in Æthiopiam Eunuchus baptizavit Reginā, & magnā familiæ regis &
populi partem. Ex quo Christiani cæperunt esse Æthiopes, fidemque Christianam omni sequenti tempore
professi sunt. In toto hoc Imperio urbes paucæ: ac vicatim habitatur. Præcipua regna ad Superiorem Æthiopiam
pertinentia, quæ ut plurimum Abissinorum Imperatori subjacent, sunt hæc sequentia. *Regnum Barnages*: Hoc
fluvio Abanthi & mari Rubro clauditur: urbs primaria est *Beroæ* seu *Barnæ* Ptolemæo *Colone* dicta, ut Sanuto
placet: hic Regis vicarius degit: qui Abissinorum Regi c. equos quotannis pro tributo pendit, cum serico
aliisque mercibus; Bassæ vero Turcico mille uncias auri. *Tigremæon* Marabo fluvio proximum & mari rubro,
quotannis pendit suo Imperatori cc. equos ex Arabia advectos. Subest huic Regno *Regnum Tigræi*, in quo est
urbs *Caxumo* seu *Cassumo*, sedes olim, (ut in eorum annalibus est) *Regina Saba*: ac post etiam *Candaces* Reginæ,

Angote